



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ. 010-51-29-53 էլ փոստ՝ <<Patrol-service@police.am>>

N 9/5509

22.09 2022թ.

Արսեն Հարությունյանին
Հասցե՝ ք. Երևան, Վերին Շենգավիթ, 10 փող, 19 Ա 2, 27 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8200123081 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Ատյի՞ր <<Յ>թերթ:

**Պետի տեղակալ,
ոստիկանության մայոր՝**

Դ. Օհանյան

Կատ. Ա. Ստեփանյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 10.03.2022թ-ին կայացված թիվ 8200123081 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<12>> 04 2022թ.

ք.Երևան

ՀՀ ոստիկանության պարեկային ծառայության պետի տեղակալ, ոստիկանության մայոր Դ. Օհանյանս, վերանայելով Արսեն Հարությունյանի դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

10.03.2022թ.-ին՝ ժամը 02:10-ի սահմաններում, Երևան քաղաքի Խանջյան փողոցում քաղաքացի Արսեն Հարությունյանի վարած «ԲՄՎ» մակնիշի 2800222 հաշվառման համարանիշի տրանսպորտային միջոցի տեխնիկական վիճակի գննություն անցած չլինելու փաստը արտացոլվել է ՃՈ Էլեկտրոնային ռեգիստրում (իրավական հիմք՝ ՀՀ կառավարության թիվ 1251-Ն որոշում), ինչի հետևանքով ՀՀ ոստիկանության պարեկային ծառայության Երևան քաղաքի գնդի 3-րդ գումարտակի 3-րդ վաշտի պարեկ Արթուր Մեջլումյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կայացվել է թիվ 8200123081 որոշումը՝ վերջինիս 20.000 ՀՀ դրամի չափով տուգանելու մասին:

15.03.2022թ.-ին Պարեկային ծառայություն ստացված դիմումով Արսեն Հարությունյանը խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 10.03.2022թ. կայացված 8200123081 որոշումը՝ նշելով, որ անցել է տեխնիկական գննություն և ներկայացրել է տեխնիկական վիճակի արատորոշման քարտի պատճեն:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 10.03.2022թ-ին կայացված թիվ 8200123081 որոշումը ենթակա է բեկանման՝ հետևյալ պատճառաբանությամբ.

«Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի 1-ին մասի համաձայն՝ Հայաստանի Հանրապետության տարածքում շահագործվող տրանսպորտային միջոցները Հայաստանի Հանրապետության օրենսդրությամբ սահմանված կարգով ենթակա են տեխնիկական զննության:

Նույն հոդվածի 2-րդ մասի 3-րդ կետի համաձայն՝ տրանսպորտային միջոցների տեխնիկական զննությունն իրականացվում է հետևյալ պարբերականությամբ.

3) թողարկման տարեթվից հաշված՝ 4-ից ավելի, ներառյալ՝ 10 տարվա արտադրության թեթև մարդատար ավտոմոբիլներ, բեռնատար տրանսպորտային միջոցներ, ուղևորի մինչև 8 նստատեղ ունեցող բեռնաուղևորատար տրանսպորտային միջոցներ, կցորդներ (կիսակցորդներ), մոտոցիկլեր (բացառությամբ սույն մասի 2-րդ կետով նախատեսված տրանսպորտային միջոցների)՝ 2 տարին մեկ անգամ.

Նույն օրենքի 24-րդ հոդվածի 2-րդ մասի (ա) կետի 1-ին ենթակետի համաձայն՝ տրանսպորտային միջոցի վարորդը պարտավոր է երթևեկությունն սկսելուց առաջ ստուգել տրանսպորտային միջոցի տեխնիկական զննություն անցած լինելու կամ անօրինական վերասարքավորված չլինելու փաստերը:

«Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն՝ օրենսդրությամբ սահմանված կարգով տեխնիկական զննություն չանցած կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկի առկայությամբ տրանսպորտային միջոց վարելը՝ առաջացնում է տուգանքի նշանակում սեփականատիրոջ կամ տիրապետողի նկատմամբ՝ սահմանված նվազագույն աշխատավարձի քսանապատիկի չափով:

ՀՀ ոստիկանության ՃՈ էլեկտրոնային ռեգիստրից կատարված քաղվածքի համաձայն՝ Արսեն Հարությունյանի վարած «ԲՄՎ» մակնիշի 2800222 հաշվառման համարանիշի տրանսպորտային միջոցը (հաշվառման վկայագիր՝ XB254640) թողարկվել է 2014թ-ին, տրանսպորտային միջոցը վերջին տեխնիկական զննության է ենթարկվել 25.10.2021թ-ին:

Ուսումնասիրելով քաղաքացի Արսեն Հարությունյանի կողմից ներկայացված տրանսպորտային միջոցի տեխնիկական զննության ենթարկվելու վերաբերյալ արատորոշման քարտը, պարզ է դառնում որ «ԲՄՎ» մակնիշի 2800222 հաշվառման համարանիշի տրանսպորտային միջոցը (հաշվառման վկայագիր՝ XB254640, նույնականացման համար՝ WBAKU610X00G57676) տեխնիկական զննության է ենթարկվել 25.10.2021թ-ին, իսկ օրենքի ուժով տեխնիկական զննության ժամկետի ավարտ է սահմանվել 25.10.2023թ-ին և հետևաբար իրավախախտման վերաբերյալ արձանագրության կազմման ժամանակ «ԲՄՎ» մակնիշի 2800222 հաշվառման համարանիշի տրանսպորտային միջոցը գտնվել է տեխնիկական զննություն անցած վիճակում:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության հանգամանքների առկայության դեպքում:

Այսպիսով, դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 10.03.2022թ. կայացված թիվ 8200123081 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Արսեն Հարությունյանին և Պարեկային ծառայության Երևան քաղաքի գունդ:

Պետի տեղակալ,
ոստիկանության մայոր՝



Դ. Օհանյան